

GENESIS, IX. 12-23.

12 Keshamunedoo dush keekedooh, Me sah mondah azhe kekenahwahjetooyon ewh ninge kindewin emah nesahwahyeeeh ahyahyung, kiya aindahchewod egewh pamahdezejig wahjewekig, ahpahna goo kaahneahyahneka bemahdezejig :

13 Nimbahgedenon sah ewh nindah gwahnebesom emah ahnahquadoong, me dush ewh kaonje kekenahwahduk ewh ninge kindewin *kahbahgedenahmon* emah nesahwahyeeeh ahyahyon, kiya dush egewh ahkeeng *ayahjig*.

14 Tahbahgahmeahyah sah dush koo, ahpe pahtooyahnin ewh ahnahquod emah ahkeeng, me dush koo cheenahgwuk ewh ahgwahnebeson emah ahnahquodoong :

15 Ningah mequaindon dush koo ewh ninge kindewin, emah nesahwahyeeeh ayahmahguk ahyahyung kiya aindahchewod egewh pamahdezejig kahkenah egewh wahyosewejig ; kah dush wekah menawah tahmooshkahuzenoon enewh nebeen, chebahnahjeahsewindwah dush egewh kahkenah wahyosewejig.

16 Tahahyah dush ewh ahgwahnebeson emah ahnahquodoong ; ningah gahnahwahbundon dush koo, chemequaindahmon dush koo ewh kahgega kekindewin, emah nesahwahyeeeh ayog ahyod owh Keshamunedoo kiya aindahchewod egewh pamahdezejig kahkenah egewh wahyosewejig emah ahkeeng.

17 Keshamunedoo dush ooge enon enewh Noah, Me sah oowh kahezhe kekenahwahjetooyon ewh ninge kindewin, emah nesahwahyeeeh ahyahyon kiya dush goo ahyahwod kahkenah egewh wahyosewejig emah ahkeeng.

18 ¶ Oogwesun dush owh Noah, kahbe oonje kahbahnejin emah nahbequoning, me enewh Shem, kiya Ham, kiya Japheth : Ham dush ooge ooyoosemegoon enewh Canaan.

19 Me sah oonoowh kahoogwesejin owh Noah : me dush goo egewh kahoonte ahneshenahbakog aneookookahmegog ewh ahkeh.

20 ¶ Kemahje ketegaweneneweh dush owh Noah, keoozhetod dush ewh zhahwemeneh ketegonans :

21 Ooge menequain dush ewh zhahwemenahboo kegawahshquaheed dush ; kemetahzhashin dush emah peendig oowegewahming.

22 Owh dush Ham, oosun owh Canaan, ooge wahbahmon ewh metahzha shenenid enewh oosun, ahgwahjeeng dush emah ooge weendamahwon enewh neenzh wekahnesun.

23 Owh dush Shem kiya Japheth wahboowahyon ooge odahpe-nahnawah, ooge pahpahgejedenemongahnaonahwah dush, keahzhawoosawod dush, keahwe ahgwahnahwahwod enewh matazhshenenenjin oosewon ; ingooje dush goo enahkayah keenahbewug, kah dush ooge wahbahmahsewon ewh metahzhashenenid enewh oosewon.